

Pop služaj Misu, přeze než počnet čisti Prístup, blagoslovit tymijan, glagolja:

**T**ĚM da blago ✠ sloviši sã, v njegože čest sožežeši sã. Amen.

I prijem kadilnicu ot Dijakona, okadit Oltář ničesože ne glagolja. Po tom Dijakon, vzem kadilnicu ot Popa služacago, pokadit jago tokmo.

Prinessu Dijakonu knígy Jevangělskije na Oltář, Ijerěj vlagajet tymijan v kadilnicu, glagolja:


**T**ĚM da blago ✠ sloviši sã, v njegože čest sožežeši sã. Amen.

Svršenu bivšu Jevangěliju Dijakon pokadit Ijerěja.

Rečenu bivšu Pridi, svätotvorče, Služaj, podajucu jemu Dijakonu kovčežac, i glagoljucu: Blagoslovite, častni Otče, vlagajet tymijan v kadilnicu, glagolja:

**H**ODATAJSTVOM blaženago Mihovila Arhanğela, stojačago o desnuju oltarja kadilnago, i vsěh izbranych svojih, kadilo se izvoli Gospod blago ✠ sloviti, i vo vonju blagouhanija prijati. Hrstom Gospodem našim. Amen.

I prijem ot Dijakona kadilnicu, okadit prinosy, zakonom propisany v obcih Črvljenicah glagolja:



1 Kadilo 2 se 3 toboju 4 blagoslovljeno, 5 vzidi 6 k tebě, Gospodi: 7 i snidi na nas 8 milost 9 tvoja.

Po tom okadit Oltář glagolja:

**D**A se ispravit, Gospodi, molitev moja, jako kadilo před toboju: vzdějanije ruku mojeju žrtva večernjaja. Položi, Gospodi, hranjenije ustom mojim, i dveri ogranzenija o ustnakh mojih: da ne uklonit sã srdce moje v slovesa lukavna, nepšćevati viny o grěšěh.

Otdavaja Dijakonu kadilnicu, glagoljet:

**V**ŽEZI v nas Gospod ogeń svojeja prijazni, i plamen věčnyja ljubve. Amen.

Po tom Dijakon pokadit Ijerěja, za těm inyja rãdom.